


道咸同光四朝詩史甲集

陳衍署檢


PL  
2306  
.S8  
v.10



Digitized by the Internet Archive  
in 2009 with funding from  
Ontario Council of University Libraries



2306  
S8  
v.10



朱祖謀字古微浙江歸安人光緒癸未傳臚由編修官  
至禮部左侍郎有蘊邨詩詞稿

贈秦遠根章佑叔兩同年以天爵古所尊爲韻

閭浮氣瀕洞百蠓驚一妍玉石不能止漸積驅之然南溟  
有奇翮絕雲負青天甯聞一足夔翻爲鳴虵憐

眾人惡礲礲意與湛輩各入世侮旣多今亦頗文莫蓐收  
張中宵睽睽頰月灼感子不能寐羞顏頰清爵

章侯靜者流山氣自太古水瞿文字性鬱鬱青霞吐獵人  
用一律未遣辨麀麀何物賢跖妨政復難與語

妨賢良訛訛出位非審處犧繡聘不辭踴步無寶所蓬萊  
那可接哀哉童男女何以杜德機螻居而雲舉

騷耳齎半菽方知人事尊黃肩一夕弛縮手睨蓬門吁爾

故失計鞭轡就雞羣不見夸毗子十擲不一鞭

簡遠根用山谷次晁廖贈答詩韻

滔風吹人墮箕口力不能呵牛與斗迴向曹溪子胡然拔  
身文字障中邊擔夫逆旅相爾汝一夕面壁願請閒道高  
一尺魔一丈安于頗遭狂疾賞樾關晚數武昌鳴搖豪連  
下名王城自陳學詩如學道不與小定角枯榮沈洋未達  
如如體齋心半偈寒山子潛郎新有能詩聲乾笑彌明與  
侯喜君不見修門世機非舊年千仞隋珠勿浪彈聞道四  
十苦不早人流尺咫甯相攀吾儕蛩駘未遑掇區中眾响  
已漂山

和遠根乞米曲

宣州詩翁恆苦飢索米夢持篆窠歸舉家噉粥癯不肥平



原筆力弩釋機先生研田十年機漑墨一斗鍵其扉臨川  
三昧熒熒暉濃鋒蹙起諸城瘵赫蹠紙百不供揮璽書增  
俸疇敢睎月料半流埒茹薇焉能休糧脫塵轍道山延閣  
接太微胡不陳書紫宸闈胡不曼胡短後衣捷書夜艸旌  
頭飛何爲顙領幽篁圍乾愁漫誕不可磯諸公遑辨妃與  
猗一邱之貉蒙庶幾菜傭求益來已稀牛鐸黃鐘荒是非  
枵然者腹負大誹安用陶胡奴累欬逝將著鞭驂子騑安  
吳筆訣絕幾韋他年奇字森煙霏

偕金韞青過何氏艮園

鄉關搖落後君亦杜門偏病腳蘇殘暑澄心落古泉林陰  
剪衽得盤實削瓜圓酒觥非吾事匡牀坐晚天

河汲論交晚琴尊間日開興移無屐齒詩罷點牆落機息

林香發天清塏影來不須風扇拂眞氣辟飛埃  
小榜幽人屋新邀過侶懽安巢無越鳥傾橐買花欄緗帙  
繙逾靜風漪對不寒滄洲吾亦羨無路問漁竿  
鄉緒不能理清尊相向悽朗吟蹇士賦苦說碧山棲迴鞚  
穿林失炎雲覆蓋低曰歸情不愜身外正蒿藜

東阿道中

十日西風未放晴近畿林樾已商聲乍欣紈扇朝朝減卻  
苦秋泥步步生瘦馬羸童從爾嬾烏紗白葛與人清後車  
儘有鴟夷載翻羨山家種秫成



秦綬章字佩鶴江蘇嘉定人光緒癸未翰林由編修歷  
官兵部右侍郎現官鑲黃旗滿洲副都統

過翰林院舊址感賦六十八韻

西京感禾黍焦土悲咸陽驅車過舊闕俯仰成滄桑重闔  
飛鐵牡苔鏽青倉琅朝市旣非故馳騁迷康莊長安門東  
隅翰院遙相望平陂亘沙脊玉河流其旁有明迄昭代崇  
構增輝煌昔爲圖書府今付瓦礫場駐馬不能去一一添  
思量登瀛門業業甬道平且長廳事左右翼其後顏玉堂  
南榮轉相向敬一亭名詳柯亭與劉井東西分兩廂蓬萊  
五雲多瀛洲水一方集賢清秘額宸翰摛天章中爲治  
事所簪紱時迴翔乾嘉昔全盛文運方熾昌翠華此臨  
幸玉輦金鏤錫鉤陳肅豹尾濟濟鵷鸞行賡歌有皋益扈

從皆班揚談經闢虎觀賦詩登柏梁雍容列臺閣榮遇洵

非常詞科舉鴻博鶴書徵召忙大羅證仙籍高會聯霓裳

得此爲華選不數諸曹郎鰕生屬晚進釋褐登天閭文學

忝侍從數典奚能忘深嚴步丹地偃僂如循牆所嗟時世

異橫流歎望洋峩峩四夷館

院之後爲英使館其東有洋樓比櫛俯瞰院牆壓境

環臺隍公然逼處此時患涉我疆高明畏鬼瞰厥徵實不

祥風尙旣屢變士習隨波揚言利慕桑孔任法師申商游

談競炙輠著書恣鼓簧儲才豈不貴誰實司瘡彰往歲詔

按獄禍及同類戕書生百無用文字徒遭殃一朝罹法網

儒服牽銀鐙斯文阨未已左道宜披猖紫衣國師號赤幘

天神裝九衢走魑魅跳刀呼拍張叢祠夜篝火烈燄飛崑

岡兵氛徧畿輔鄰釁來氏羌遂令禁垣內一炬燼紅羊我



來舊遊地瞻顧心彷徨鑠廳秋雨積講舍寒煙荒依稀撥  
灌莽猶認題名坊道旁遇故吏藍縷形如甴謂是舊承直  
典守居東廊軍府忽下令此地宜屯防亂兵訝廩集搜括  
傾資糧寇至兵已遁複壁窮潛藏轟然礮車裂大宅聲雷  
殛屋瓦揭空舞何論穰與宋古藤百年物倒卧虬枝僵圖  
書數萬卷狼籍堆縹緗遺典溯永樂廢址頽靈光况聞中  
台圻輔星已斂芒萬事不堪說襟涕霑淋浪嗟余廁朝籍  
十載逾星霜 郊壇列盟薦 廟殿陪丞嘗分班丹陛戟  
侍讌瑤池觴奉職愧無狀罹此板蕩傷清都隔天上海霧  
空茫茫祇見昔輦路葉隕宮槐黃歸來重憶舊夢入驂鸞  
鄉曉風誤鈴索畫角霜天涼

梯田行

山農務力田山田苦瘠薄地高異水鄉人多盡土著奈此  
榛莽墟何以謀耕鑿嶺腹剗嶽巖堀身露峯嶸高下等莫  
分廣狹界難拓豁然異境開中有幾千落厥名曰梯田命  
義良有託層層厯階級離離循脈絡壟小坐歛箕厓峻度  
懸竿高躡棧縈紆斜行橋略約方罫棋展枰碎纈鏡搖箔  
簇若龍鱗編齧如犬牙錯圭首一尺舒弧角兩弦削夾岸  
植菰蒲分畦蒔花藥家傳溝洫經歲補斗升穫我亦田間  
來行滕縛芒屨識字辨疆槩箋經庠錢鋪遐采異方謠待  
修均水約區臾體物難甌脫譯音畧啁嘶詢老農土語澀  
齟齬但指塍畛連經界示顛若芍陂利孰開桃源記可作  
願言陟高岡夕陽更荒度



馮汝駢字星巖一字惺庵河南祥符人光緒癸未翰林

現官江西巡撫

惺庵前輩散館改官戶部旋值樞廷均著賢能之譽爲翁協揆師所激賞

戊戌年出守青州

興養立教有古循吏風甲辰秋間

前輩客居津門綜理北洋支應及官報兩局事宜余

適襄助編纂官報屢陪文酒之會兼有酬唱之篇令

弟果卿觀察汝桓與余尤相契洽果卿之子澣從余

遊最久文行彬蔚能趾家風前輩於去夏由浙撫移

旌江右公餘仍不廢吟咏聞果卿言其純鱸之思時

時感觸特以時艱

眷厚不敢言去耳

時艱

奉和孫師鄭吏部歲暮感懷元韻

時艱

淵淵金石發聲洪妙緒環生頓啟蒙甘誤儒冠詩效杜欲

彈長鋏志猶馮舊醅佳釀交情似不繫虛舟宦味同回首

玉堂春夢杳相逢各自惜焦桐

昔時妄擬樹甘棠昂藏寬饒詎醉狂識拔幸能逢汲鄭交

游何處覓原嘗籙書朗誦看燈炮對酒高歌任漏長惟有

游何處覓原嘗籙書朗誦看燈炮對酒高歌任漏長惟有

游何處覓原嘗籙書朗誦看燈炮對酒高歌任漏長惟有

游何處覓原嘗籙書朗誦看燈炮對酒高歌任漏長惟有

游何處覓原嘗籙書朗誦看燈炮對酒高歌任漏長惟有

游何處覓原嘗籙書朗誦看燈炮對酒高歌任漏長惟有

名山眞位業他年願侍講帷旁

數篇清麗必爲鄰字字珠璣簇眼新已分傳經種碩學何妨餘事作詩人平津懷舊十年淚庾信哀時一葉身不見古來盛名下蓬蒿沒徑甌生塵

九萬鵬搏莊叟文俯看尺鷃與鷦鷯滔滔四海夸新學渺渺千秋證舊聞急景凋年同逝水乘時得志亦浮雲漢廷若重宏詞選東馬嚴徐許冠軍



沈瑜慶字愛蒼號濤園福建侯官人光緒乙酉舉人現  
官貴州布政使前署江西巡撫

懷朱軍門洪章

每飯意不忘鉅鹿眼前魏尙翻爲戮少年不自惜功勲垂  
老對人羨蒲穀蒼頭特起黔中黔太守益陽與薰沐潁川  
罵坐雄萬夫酒失豈真棄心腹一爲楚將亦冠軍遷地爲  
良敢雌伏屯兵堅城勢欲紂連營百里氣轉蹙忽驚地道  
墮垂成四百兒郎糜血肉卽今豐碑龍脖子空使詩人歎  
同谷破敵收京誰第一再接再厲瘡垂復衝鋒讓前受賞  
同公等因人何碌碌當時大樹恥言功今夕灞陵還止宿  
文吏刀筆錯鑄錢幕府文書罪罄竹誰知東海又傳箭邊  
鐮據鞍更踟躕不候枉自矜長臂再植何堪擬羣木飄零

草疏訟陳湯鞏鼓聞聲思李牧白首忘年悵較遲奮筆成  
詩助張日行空甲馬如有聞我有長歌方當哭

沈方伯此詩有敘文甚長足補方略所未載余從陳石  
遺學部衍處鈔得之今錄於後

壬辰四月余管江南水師學堂值新寧尙書大閱禮成  
方盛服陪侍有昧韋跼注趨而過予則雲南鶴麗鎮總  
兵朱公洪章也款曲傾吐立談未能畢其辭則見豐碑  
屹立於道左廼會威毅伯爲公紀所部四百人同日死  
事之壘也正值忌日健兒具酒脯待公莫畢與余登鍾  
山絕頂指示賊所築天寶城者拳石列坐下瞰形要遂  
縱所談公貴州鎮遠人益陽文忠爲守時以親軍從殺  
賊文忠甚壯之隨下武漢無役不從文忠母壽諸將畢



賀公中酒爭坐傷其曹文忠辭焉密令曾文正收之遂  
隸曾部與畢公金科攻吉安賊文正以憂歸江撫滿州  
某公挾糧臺夙嫌靳餉促戰畢公戰歿公突圍奪尸還  
文正再出令選精銳數千人從威毅擣金陵時威毅所  
部皆楚將公以黔軍特立有危險事公任其衝以此知  
名威毅亦信任之開龍脖子地道垂成而陷四百人無  
一全者公僅以身免二次地道成威毅集諸將問誰當  
前鋒莫對公憤退而出隊從火燄中躍衝缺口上賊辟  
易以予授所部肉薄蟻附而登諸將皆從之城復論功  
李公臣典於克城之次日以傷殞威毅慰公以李列首  
公次之呈報安慶大營文正按官秩敘先後公列第四  
故諸將有列封五等者公賞輕車都尉世職以提督記

名而已公謁威毅語不平威毅以犇刀授之云泰名易  
次吾兄主之實幕客李<sub>某</sub>爲高下也盍刃之公笑而  
罷湘中王閫運成湘軍書<sub>某</sub>會氏意威毅使東湖王定  
安改訂之亦緣官書未改正公前事時承平日久公感  
髀肉之生不能無歎望於威毅因論其書至抵几而罵  
威毅雖優容之新進排擠幾不能自全公悲懷慷慨乞  
余爲文爲詩訟之久之未就甲午東海事起南皮張公  
移節江南檄余總籌防事以將才爲問首以公應南皮  
公亦夙耳其名令募十營守吳淞在防各營統歸節制  
嗣移駐江浙連界之金山衛修臺築壘市廛不擾軍民  
肅然公久廢驟用又屢暗宿將同事者輒訾議牽掣使  
不得行其意未幾傷發沒於幕下南皮公屬余草疏請



恤於朝遂得以所聞於公略敘曲折得 旨賜謚建祠  
飾終典禮皆從其朔公可以掀髯於地下矣余因曩言  
不負亡友略具顛末賦詩紀之雲霄張目庶無諾責侯  
官沈瑜慶記

百步廊落成邀墨園伯嚴同作

十笏官園百步廊匝月木石虛平章蘆簾棐几悶清晝磨  
詩削牘嫌相妨逍遙散步苦無和起予千里來陳黃瓣香  
共祝滄趣老江海弟子遙相望我生慣作合并想插架猶  
使聯雁行能事相逢况並世前除置酒須盡觴湖海樓高  
據四戰伯嚴於九江新築樓臨甘棠湖高挹廬阜俯甘棠邇來悲歌滿燕  
市書生咕嚕韜光芒浮屠三宿有餘戀名山一席誇誰強  
眼前盡作蒼茫勢起伏積翠盈巒岡得月較遲卻宜雨更

有蕉竹生夏涼棋聲書聲晚相答入夜鳴瓦聽浪浪

歐陽立齋邀余兄弟泛舟東湖和原韻

西山蘸影邀眞賞歛子推杯遲月上十頃玻璃淡蕩風一  
刺瓜皮乘興往蒼然樓閣已含煙對此酣歌聲獨朗藕花  
四壁不知路人家上燈如夢恍主人愛客舉連觴好事拏  
舟亦三兩中邊澈底澈練清一鏡近秋人意爽粉房如露  
忽開合舞袖凌風時俯仰衝行定破鷗夢穩擁楫皆作翻  
濤響老子南樓興自豪六一西湖情酷仿坐間胡蘄生中丞慨談往事  
浮瓜沈李逐年少畫燭銀箏更連幌前遊與客樂既望後  
夜攜家來並槩池塘昔日春草篇逍遙匝月連牀想新句  
方將調紀羣長筵近已聯凡蔣

讀何梅生孝廉病後詩草



何郎病起愛吟詩丈室安禪語最奇庭樹經秋飄葉盡盆  
蘭著雨入瓶宜所希縹緲成孤往閱世艱難總耐思魯女  
周嫠言可念更生未合怨衰遲

百花洲樓成與伯嚴縱談竟日口占一律 二十年

前在都下與諸公評書法當以玉池老人爲本朝  
第一可莊伯希均不謂然不圖伯嚴之右吾說也

湘中郭侍郎晚  
自號玉池老人

魚鱗萬竇俯蘋洲哭兀人間百尺樓懸榻有心孰冠冕撰  
碑無媿已山邱秋東樂伯終吾帥豪舉平原豈壯遊賦罷  
青蠅退無悶料量詩卷載清秋

賦天發神讖碑並武昌評碑亭爲甸齋尙書作

峴首崔嵬殊整暇乘興又稅江南駕孫郎坐大信人豪子

布能文天所假十年訪古石頭城孤本誇人遂無價醒汝  
沈迷劫火餘逮我風流客坐借百牢肯使魯無鳩一役定  
知秦可霸國璽重回征魯魂嶧碑願肆斯翁赦猛士詩人  
嘯龍虎橫槊詎在建安下

范忠貞公武夷曲遺墨爲劄齋尙書作

土室三年繫不死逆藩不鋤死有恥誰歟從者秦寧許足  
抵田橫五百士西臺朱鳥不歸來如意擊殘聲變徵幔亭  
仙樂如天上日影從容猶起視吁嗟乎入關開國功第一  
節鉞再傳得令子閩南立廟山水區丹荔黃蕉百世祀中  
興先子謚法同媿我比公無一似爲公題圖三太息觸我  
鄉愁逐江水故山猿鶴恐笑人幕府文章方粲齒



馮汝桓字果卿河南祥符人光緒乙酉舉人現官直隸

候補道

題孫師鄭銓部選輯詩史一斑錄初編後

選樓勝迹空明月長嘯蘇門作鳳鳴一代風騷誰嗣響廿  
年壇坫早知名獨彈叔夜琴中調如聽山陽笛裏聲感舊  
集成增悵望柳條秋搦倍含情

拂水風流二百年

牧齋尚書有列朝詩選

篋中詩本繼唐賢

唐人選唐詩有

篋中

庭生芳草名書帶家住江鄉憶畫船爲老清才容著

作

君負偉抱有澄清字宙整齊風教之思

每吟佳句愛流傳侯芭未必知奇

字載酒庭前月正圓

混兒方從受業

甲午感事

天半欒槍黯不開江南賦就子山哀美人歌舞銷兵氣屬

國衣冠望將才裘帶從容爭建節關山極目獨登臺是誰  
帷帳空籌策鼙鼓聲聲動地來

庚子感事

望斷神兵下九霄沙蟲化盡陣雲驕西風戰鼓聲先死東  
市朝衣血未消夢繞觚棱金闕迴魂飛車騎翠華遙茫茫  
家國無窮恨濁酒難將塊磊澆

詔書哀痛下并州何日衣冠拜冕旒飄泊杜陵常作客蕭  
條宋玉况逢秋滄桑變幻成孤注宮柳淒涼斷曉籌搔首  
問天天竟醉銅駝荆棘不勝愁

邊城曙色上旌旗淚洒新亭誤局棋九陌煙塵生慘澹一  
家骨肉痛流離心旌終日愁無定足蘭荒山倦不支聞道  
西平新畫策披雲重見漢官儀



沈愛蒼京兆同年索怡園舊種菊有感而作

菊譜當年擅品評  
小園猶記洛陽名  
天留餘豔何妨晚  
地得幽香便覺清  
三徑松孤陶靖節  
兩竿竹瘦庾蘭成  
不堪回憶紅羊劫  
對此花枝百感并

聯騎城南紀勝遊  
諸郎白袷最風流  
籬邊宿蜨寒香抱  
泥上飛鴻舊迹留  
幾樹穠華隨逝水  
十分絢爛助清秋  
會開仲蔚蓬蒿徑  
桑落濃斟互唱酬

奉調赴直留別厯下諸友用漁洋秋柳韻

銷得江淹幾許魂  
依依回首灤源門  
珠泉滌筆縈詩夢  
綺席分襟悵酒痕  
驪唱怕聞楊柳岸  
漁歌最戀藕花村  
何年重放明湖棹  
別後鴻泥取次論

年來作客幾經霜  
采采蒹葭賦碧塘  
僦屋曾鄰織錦市  
征

衣重檢鏤金箱峯巒奇峭圖煙客家世風流愧野王種柳  
也同宣武感長條披拂舊時坊

江東門第仰烏衣再到蓬山景頓非楊綰詩名寰宇重周

郎俊望古今稀

謂泗州  
尚書

波微碧潄長鯨伏路附青雲倦鳥

飛聞道西冷新建節對牀風雨遠相違

星巖家兄  
時方撫浙

清秋景物本堪憐轉瞥廳輪破曙煙薄宦風塵殊落落故  
人雲樹遠縣縣燕臺擊筑懷千古齊客吹竽瞬一年望斷  
津沽衣帶水鵲華時到夢魂邊

贈段少滄同年

書雲

時之官珠江

相交卅餘載事事盡知心共結王陽綬曾分鮑叔金嶺南  
煙水淼山左嶽雲深後會期何日臨風黯不禁



馮煦字夢華號蒿庵江蘇金壇人光緒丙戌探花由

編修簡授安徽鳳陽府知府歷官安徽巡撫有蒿

庵詩稿

未刊

過二泉師宅感示蘋湘

十載經過地重來蔓草荒涼塵棲敗壁積雨上虛堂寂寂  
譚經席蕭蕭縱酒場羊曇今老回首涕沾裳

冷落清心冒能文似阿戎一官無倚著八口各飢窮夔府  
秋簾暗秦淮夜月空連牀懷舊雨翻得與君同

紀山西災七首之三

三晉古堯封民氣樂且和淩夷至今日石哭而無歌三年  
雨雪不到地方春無麥秋無禾高原下隰同一赤奈此濯  
濯童童何下山掘草根上山斫木支棘喉鉤吻甘如飴卻

春水生一池靜不迴風日清且妍賓主足娛樂寥寥香山  
翁大雅久不作去我向千載高名猶紹灼再拜展遺挂臥  
喜三百羅庭宇延空青江梅香可嚼疊石爲千盤有似怒  
猊愕漫勞冠蓋喧頗喜耽壽筇我獨起近寒食忘羹醢  
經彼洛下會高風動寒真堂謂牛李謝詩筆元劉託九老  
今倍之少長形數略出處兩無心何有塵埃縛豪吟五獄  
搖清談百琲落或負清時材否亦志林壑一叟獨巋然八  
十顏如萼頭爲十日飲焉用九遠藥主人鳴朱絃曲終脫  
綵鑿貞隱契支許遺題識李郭一尊壽翁前時還共斟酌  
翁與鴻鵠遊後來盧燕雀詩成翁所歆更爲四坐索



陳夔龍字筱石貴州貴陽人光緒丙戌進士現官北洋  
大臣直隸總督

庚子秋與亭秋主人同處危城頗資共濟辛丑八月  
大局底定忽憶菴鱸作此留之

棋局倉皇勢不支干戈滿地更何之君王豆粥艱難日士  
女壺漿懇歎時獨賦小戎憂社稷對他弱質愧鬚眉秋風  
忽動菴鱸興歸話西泠舊侶知

只道笙歌樂太平誰知烽火照咸京身隨秋雁棲難穩眉  
鎖春蛾畫不成笑我一官如傳舍累君千里計歸程驪歌  
舊是尋常曲此日銷魂是此聲

頻年鴻案兩相莊亂後餘生託上蒼圖裏流民資潤色廚  
中官米費籌量愛花雅抱泉明癖求艾珍備仲景方我欲

偕歸歸未得心隨明月到錢塘

無計攀留強自寬  
膝前嬌女笑言歡  
布帆緩理湖西棹  
翠輦新迎薊北鑾  
佳節况逢秋旖旎  
閤家聊共月團圓  
猛聞斯語心情朗  
濁酒千觴一醉乾

和子原三兄侍御詠雪詩用東坡聚星堂韻時辛丑

十月三日

風勁天低木脫葉  
一夜千山萬山雪  
朝來捲幔雙瞳開  
縞素瓊瑤光清絕  
許侯卽景發高吟  
讀未終篇心已折  
天公玉戲雖偶然  
坡老風流未銷滅  
筠清館續聚星堂  
七百年中電一掣  
溯源更有謝家詩  
舞絮撒鹽散如纈  
陶冶晉宋入洪鑪  
但鬥尖叉君不屑  
今年同作太平人  
回首烽煙去飄瞥  
呼童掃徑延芳樽  
舉酒招邀膝六說  
煩君六出慰三



農農器折銷劍戟鐵

范浦喜晤范肯堂光祿當世依韻奉酬

舊聞 范軍中有淮浦相逢倦眼開且爲桐城留正派獨  
慚湖海是粗才平生風義從誰說世變滄桑信可哀何怪  
儒臣心戀 闕養牛曾侍上尊來

沈愛滄觀察以長歌見貽賦詩答之

衣冠江左數先公喜見獅兒有父風奚止東南資保障不  
因閱閱是英雄別來淮上欽遲久話到觚稜感喟同慚愧  
陳樓高百尺如君合坐此樓中

許子原兄出守揚州以詩見贈卽席奉酬 四首錄三

銅虎漢符節金貂越世家新 恩承 北闕舊夢紀東華  
鼓吹廣陵曲風流御史車治平無別術第一話桑麻

不羨揚州鶴人爭借使君江南倚安石殿上失朱雲詩興  
官梅發心香諫草焚他年期報最玉璽策殊勳

痛定思前事倉黃一局枰艱難與君共肝膽向誰傾絲竹  
有哀樂煙花管送迎今宵玩明月何止二分明

慈聖賜 御書松壽條幅福壽字恭紀以詩

祥凝松棟萬斯年 堯母門開百福駢益壽人應同夏健  
盤根氣已得春先行間墨瀟冰霜肅 天上璇題日月懸  
晚節歲寒臣自勉承恩太早受恩偏

御賜福字恭紀

竊從年賞卜休徵一字恩叨 御墨凝華祝有三天賜福  
箕疇斂五 帝靈承來同恰喜宣防固介景惟歆黍稷馨  
從此華堂開百祿

漕署舊有百祿堂

近光日月頌升恒



題紋女含真仙蹟圖 丙午季夏

忍別殘燈展畫圖  
廻思舊事總模糊  
莊嚴寶相銷塵劫  
神化丹青識故吾  
洒罷難教千日醉  
曙前已失一星孤  
空留尺幅曇華影  
膝下承顏伴老夫

仙蹟含真妙絕倫  
曲園詩老句清新  
誰知詠絮庭前女  
已是支機石上人  
世外金環成後約  
夢中瓊管證前身  
亭亭玉樹臨風立  
月夜雙歸晤轉輪

兼謂  
穎女

落拓江湖五十年  
而今兩鬢漸蒼然  
痴情精衛填滄海  
恨事媧皇補漏天  
弱質竟符高密讖  
浮家尙少志和船  
耶娘喚女聲聲咽  
不在黃河黑水邊

瑤池西望侑霞觴  
青鳥殷勤寄語忙  
裳錦織成慈母綫  
竹枝拋卻女兒箱  
大千世界羣仙籍  
十七年中一夢場  
今日

臨圖數行淚可隨河漢到天間

庚戌初度感懷仍用武昌留別韻

尤悔難捐媿祿干敢希才望繼清端

幕中林君贈詩有未須魚虎壽清端句

久經歷劫身還在強起觀星夜欲闌生草時縈池上夢愛花祇合客中看十年旄節曾何補贏得頭銜似冷官

錢穀刑名兩不知幹才偏受主恩私徒驚萊子班衣冷

轉悔毛生捧檄遲細柳旌旗前度客梅花玉笛去年思英

雄髀肉銷磨易匹馬關山詠載馳

襟帶蕭閒屏玉瑤

是日不著衣冠不宴客

鱸鄉風動滯歸輶加餐深

荷雙魚寄

頃得杭中家書

映影空聞一犬驕塊壘易銷賢聖酒水

心不競去來潮家聲已愧公卿長七葉何堪珥漢貂

丹榴似火夏如年留得春光有杜鵑

園中石榴杜鵑盛開

走馬六街

張敬夢

曾官京兆轉瞬十年

陳書一榻孝先眠分陰勉遲陶千鑒

錦難酬李百篇寄語濟川諸俊傑如今黃海盛戈船

遣興四首疊前韻

傳聞優詔赦揚干大事朝中問呂端舊院新成鳴鳳記內

家爭罷鬪雞闌圖從鄭俠流民繪軍在條侯細柳看聖

主宵衣求碩學幾人空谷老王官

謂王湘綺太史

暮夜焚香懍四知祇談風月不談私昨非未必成今是拙

速終須勝巧遲齒錄漸看同輩少口碑留與後人思元龍

湖海平生志莫放堂堂白日馳

雞樅風味敵江瑤回首鄉關萬里輶深巷賣花春雨潤奇

峯斂火夏雲驕

貴陽西郭紫雲庵有奇峯雲火扁額余幼時曾賦詩

兒時書味燈前

影夜半鐘聲寺裏潮寄語故山游釣侶敢拋猿鶴戀蟬貂



北門鎖鑰寄經年不信津橋有杜鵑齊案孟光椎髻隱中  
宵越石枕戈眠重經東閣餘雙淚十五年前曾隨案文忠師查辦津案會讀  
南華第二篇長日堪銷棋一局煙波還載米家船

奉 命督蜀行將入覲留別蘇臺四首 錄二

蒹葭秋風客去吳廿年春夢草堂孤榻來我似辭巢燕暫  
止人猶愛屋烏鄉信已荒三徑菊囊書穩載片帆蒲名賢  
五百滋吾愧重寫滄浪話別圖前年正月在汴梁顧漁溪京卿出示朱牧仲滄浪話別圖末幾卽拜撫蘇之命汴人以爲佳識

樊樓燈火幾星霜花草吳宮半夕陽正擬輕裝載琴鶴漫  
勞廣坐奏笙簧樓船蜀道通吳會節度韋皋繼武鄉勉效  
平原留十日懷歸端爲簡書忙

徐世昌字菊人直隸天津人光緒丙戌翰林由編修現

官軍機大臣協辦大學士有弢養齋詩文集

己亥十月自武衛右軍還朝留別言仲遠

敦源

蟠胷灝氣吸長鯨牛酒酣歌出塞聲  
萬里風濤接樓艫數行汀雁起秋城  
登龍終愧左司諫射虎休言右北平  
聽到胡笳方盡拍月明長照海西營

草短霜寒秋隼孤據鞍海上說雄圖  
馬周自有冲霄翮阮籍終非困酒徒  
十萬甲兵充腹笥二三裙屐豔歌壺  
相逢莫漫輕年少看取談鋒瀉五湖

棄繻終爲請纓去斫地誰憐磊落才  
試馬春堤莎未剪校書夜帳蠟成堆  
醴醴圍暖傾雲液牙戟香薰點麝煤  
韋杜城南花似錦五雲多處首頻同

萬善寺簡梧生榕生

居廬傍野寺風雨在南郊門掩禾麻隴牆芟枳棘梢亂雲  
迷故國落雁問居巢強起言身世時時有淚拋

送別朝鮮三聘使並贈崔硯農

耽詠成孤癖花時獨閉門春風龍喜社斜日海王村冠蓋  
崇文獻壺觴戀曉昏崇南坊外柳幾樹綠煙屯

土門江上路春水漲平蕪鐵笛梅花曲河梁送別圖曉風  
傳疊鼓海雨潤行廚省識朝儀肅回飄望九衢

孟丈志青招飲綠莊嚴館四疊見示原韻並柬叔鴻  
侍御漁谿前輩鹿泉農部研農僉事

紫極雲開散碧煙鷄林人醉海西天書磨玉局新鈎木蒿  
翦邁園舊布輒騷客車停防日晚幽花香聚得春偏主人



漫下南州榻風雅吾宗適昔年

鯨波橫海靜風煙樓櫓參差接碧天五嶽遊蹤餘袖石八  
荒異俗變懷甄審微漫說才無補柔遠從知道不偏解識  
方輿續圖籍崑山舊學溯當年

西江遺派拂雲煙得句涪翁膽似天易水荒臺留蔓草河  
間故館蝕殘甄危橋立馬鞍須穩急溜回風柁不偏坐到  
無言心自在落花飛絮任年年

庭樹欂櫨慘澹抹煙游絲低颺午晴天春風入座頻開甕斜  
日催詩欲逗甄東野有鄰三徑闢北江遺址一堂偏  
敞居  
與志  
丈比鄰爲洪  
北江舊宅  
好將韻事傳瀛海付與滄桑不計年



柯紹忞字鳳孫山東膠州人光緒丙戌翰林現官學部

丞參上行走署大學堂總監督

鳳孫前輩學博行粹生平致力於元史凡

三十年採輯碑版文集及新詳東西洋歷史地理各書重編元史成書過半監督經科大學與余比屋而居析合無間嘗以庚子年感事詩稿寫示前輩與盛伯希祭酒最契嘗作鬱華閣詩集序詞意沈摯

辰龍關

辰龍關在辰溪東雙厓巒巒蟠雙龍白雲到地無一尺青山截天有萬重深入潛探虎豹窟陡上直躡飛猿蹤官郵架險開戶牖行人俯指炊煙濃

送夏迪庵告假歸

殿前折檻尙嶙峋欲挽滔滔又乞身百二河山秦得地五千甲楯越無人論都計大關宗祏抗疏言高動搢紳見說曹羈三諫去不堪西望屬車塵



題含真仙跡圖

五城十樓白玉京絳雲擁護高鈴竈珠簾捲處羅娉婷左  
挹雙成右飛瓊中有一人駕雲翺神光燦燦垂綵纓支機  
石畔天船橫天孫蕩槳來將迎琪花四面霏瓊英風吹仙  
袂飄泠泠倏然彩仗森旄旌鉤陳壁壘嚴無聲兜牟暨暨  
皆媼姪欲挽銀河洗甲兵紫衣小隊雲中行長離戛瑟鸞  
吹笙下視塵壒何冥冥埒爲五嶽杯四瀛瓶中淨水涵太  
清剎那世界鑑一泓峨冠劍佩能幻形洞元慧業超三生  
神仙本自忠孝出王家曇陽事彷彿金篦刮翳能療疾至  
誠所感難具述 鑾輿西狩沸狂噬片語安危決倉卒嚴  
君尹京迎 聖蹕烈烈勛庸媿召畢欲慰劬勞幻神契妙  
相莊嚴傳彩筆珠貝香囊期異日不用仙山訪兜率

江峯青字湘嵐安徽婺源人光緒丙戌進士現官江西候補道試署高等審判廳廳丞

航海至燕臺登眺

千里幽并劫後灰中原險阨此登臺擎天一柱凌空起渡海諸峯挾浪來瀛島屏藩誇壯麗書生籌策費低徊中山將略分明在知到人間又幾回

上孫壽州相國

四首

海內人師山斗重聖朝耆宿棟梁尊金臺王氣猶全盛黃閣風規挹霽溫時局糾紛成鼠戲平生私淑企龍門摩挲三尺青萍穎立誓男兒不負恩

心香一瓣祝南豐廿載於今始見公憂國忘家垂老日愛才如命大臣風置身姬宰伊衡上譽我稠人廣座中自分

四庫全書  
驚駘終伏櫪一鳴猶覺冀羣空

未忘結習笑書生借箸空談紙上兵

舊著借箸愚論敢期編蒙歎賞

葑菲採相公先許藥籠盛王孫胯下甯殊衆陸遜江東浪得名使我感恩一零涕天涯無路請長纓

海上何年靜不波九州鑄錯悵如何翔霄彩鳳瞻天近跋浪狂鯨作勢多宰相儲才爲國用兵家從古重人和麤材微倖邀青眼歎息流光獨放歌

### 蕪城阻風

平生湖海志不作旅愁吟奈此封姨惡偏乖被浪心奇才遭白眼衰世重黃金不盡蒼茫感蠡湖煙水深

### 鄱湖大風

如此湖光大是奇混茫蒼昊接清漪驚飆萬馬嘶空下駭



浪羣羊出水嬉拍岸風沙煙漠漠撐天雲樹翠離離年來  
鍊就冰霜骨跌宕江湖自不疲

次王夢湘贈韻卽題其集李供奉詩冊

吹上羅衫桂花露夜涼如水讀鴻文尙書鳬舄日以遠子  
晉鳳笙那得聞手織天衣了無縫眼穿星渚感離羣君方守南  
康一尊醕酹問誰語月下題詩重憶君

謫仙一管生花筆千二百年今屬君隨手拈來都入妙有  
才如此信空羣九天珠玉唾還落八月木樨香始聞寄語  
西寧賢太守故人無狀但論文

次陳伯嚴韻

一腔熱血向誰灑獨自題詩獨自看時事艱難安我拙霜  
天蕭散迫人寒雄才蓋世曾何補好夢如花總易殘我輩

升沈闢氣運相期無負寸心丹

題湯淦亭先生殉難傳後

英魄紐絲千仞嶺忠魂茅阜萬重岡

咸豐甲寅春公駐兵武甯紐絲嶺於塹茅

岡扼

杜鵑花發孤臣血落日蕭蕭下大荒

桑海輓轡滋世變乾坤樞軸要人扶男兒生值亂離日不死沙場非丈夫

國家養士二百載蒼莽酌恩七尺軀斯是一時千古事幾人到此誤躑躅

大帥龍旂執冰戲小臣馬革裹尸還箬田阪底青燐影長

使英雄涕泗潛

公遇害於箬田阪

魏塘署齋隨筆錄二

法令治之具如匠有矩規規矩人所同用之須適宜天下

有拙工方員豈不知用法爲法困一成莫可移天下有巧匠舍此無師資從心而不踰成物而弗遺治法須治人古訓良可思能以我用法窮我通之然或聘才辯廢法以便私徇規而越矩公輸無能爲

魏塘蕞爾邑民氣尙純良晚近風不古劣衿常抗糧我爲求其故半亦因田荒荒者雖不多無如李易張李田驟荒廢坐落都相忘張則任稷勸不問誰井疆問李李無租豈復甘輸將問張張無戶泰然擁稻梁官惟按籍追其他皆茫茫强者置不理弱者罹刑章良民有此累奸民遂相嘗寬則奸民多猛則良民傷寬猛兩不可民欠官代償前任數君子參迫以爲常官民乃交困救弊須丈量丈量從何起莊書各歸莊東民買西產主換田有方然後按畝稽就



田間耕氓誰業誰完賦李桃免代僵舊册毋庸覈舊單毋  
庸詳一切斷葛藤政簡而澤長無奈都人士謂我謀不臧  
先民已有言築舍於道傍千議無一可留此爲民殫紳戶  
舊有例小民空筐筐雞犬已不甯催科猶未遑抱茲拳拳  
心中夜起徬徨

雁塔灣

行近斜塘爲問津一帆風捲浪如銀綠簑人去維青舫紅  
蓼花疏間白蘋題塔已成前日事飄蓬原是宦遊身葫蘆  
兩岸雁南渡正欲寄故人

宋育仁字芸子四川富順人光緒丙戌翰林現官湖北

候補道

郵傳部民政部均奏調行走禮學館纂修

有問琴閣詩錄

壯哉行和元睿

男兒三十非年少我今未壯先憂老放浪本自江海人廊  
廟何求置身早四海蕭條邊事急臨觴太息心如縲且憑  
風月消人憂忍令江湖嗟遠道青蘋齊綠哀時邁行經楚  
地思芳草暮淒朝吟展笑謔春心千里傷懷抱匣中龍劍  
中宵鳴風帆怒和江濤聲曲中沈吟忽長嘯離居豈憶春  
風情春寒如此且堪醉莫看曉風楊柳青昨日龐公臺畔  
路不見昔賢棲隱處勞苦風塵請勿悲試看浮海東夷去

在道

風沙彈劍閱江山朝暮長征未解顏懷古酒杯澆趙土封

侯壯骨夢榆關蕭蕭寒水荆軻別莽莽燕臺樂毅還已感  
蒼涼千古事更堪搖落百年間

豫讓橋

驅馬趙東門日夕馬悲辛前有豫讓橋行人請勿喧悲風  
來馬頭恐是豫讓魂束身奉大義就列恆衆人一朝重明  
顧遂懷國士恩誠知殉死非義烈固所存斬衣告知已趙  
上塵晝昏橋上悲風淒橋下流水急流水復流水終朝自  
烏咽悲風炎夏寒烏咽聞太息

過衛輝府

大行疊嶂拱成京行向朝歌過衛城日暮登山愁北望古  
來憑軾送西征承明未許歸嚴助宣室何年召賈生聞道  
東甌烽火急自堪投筆請纓行



經華陰縣望西嶽

華陰道上馬蹏重太華三峯在眼中仙掌露華留曉月禪  
亭雲氣起初虹殘星望火秦郊時古樹平雲漢舊宮聞道  
希夷高卧去勞薪自歎轉如蓬

初秋懷易實甫京邸

蘋風吹雁滿汀洲坐接湘絃

易實甫詞集名

亂古愁蘿壁暮山青

送遠葦天涼雨碧生秋局中名士如花散簫底韶年似水  
流夢想經塵幾千路肯隨明月到梁州

贈湖南易實甫比部

南方美人湘中客口御蘭芬來楚澤早歲濯纓滄浪濱文  
采一照江山色與我並生見何晚裘馬翩翩帝城陌鎖院  
來投春官第鄰鋪乍與光輝接各通邑里道姓名不記何

年似曾識住家相去一千里共飲漢江一條水楚山雲遠  
湘天長浩歌臨風盈八荒英姿逼人不可視我欲避之近  
在旁慧業神超自天授一見披顏定非偶風塵白眼知是  
誰甲乙閒襟定爲友讀書萬卷筆有神淋漓意態自寫真  
春華爛熳挾霜氣是何才豔橫驚人氣酣吞吐雲夢澤情  
遙寄託漢南津多才自古難爲抱遲暮美人怨芳草未期  
生長朱門間愁顏亦歎衰蘭道桃花潭水千尺深美人歎  
息調素琴絃外散音大波起明月照席無古今下風聞音  
淚雙墮極目千里心沈吟竟欲涉江刺船去移情一曲傷  
春心青眼高歌訂然諾與子相知良不薄且置古來千載  
名暫取人生百年樂寄言稱意會有期珍重盛年能幾時  
莫看春光塵與土鏡中綠鬢恐成絲

城南嵩雲草堂秋禊集者十三人敘事言懷作歌呈

諸子

林皋木落成秋樹宣南車塵飛滿路禊飲艸堂一尊酒何  
似蘭亭及春暮羣賢續續各文雅傾蓋論交來日下秦生

劉仲超人羣深談抵掌憂爲寫借問曹郎顧所司笑指西

山入杯竿

秦幼衡工部郎劉鎬仲刑部

越賢磊落舊多英繆沈聯翩追令

名季方聞道難爲弟二陸由來豈讓兄

繆柚存戶部沈子封吉士兩同年爲

繆小珊前輩沈子培戶部哲弟

沈君清穩繆侯邁高言卓塵相縱橫就中

陳子憂思集白眼浩歌時起立偶然貰酒燕市遊何論抱

璞荆山泣

陳伯陶選拔

孟威印伯同鄉親胡曾自昔攜手人

孟包

威學博顧印伯曾篤齋兩孝廉同年胡硯孫大令皆鄉人也

江山遠來共晨夕風月相

逢何主賓世事請問東流水鄉情共指歸山雲故人自字



朱虹父

朱北虹孝廉今易字虹父

少日才名眾相許十年意氣今始平

四座無言心自語劉生任達仍憔悴

劉健卿貢

數嫌魯酒薄

無味罷飲少留坐詠詩秉燭翻邀勸買醉誦芬生長同鄉

里歲寒似與相終始

張誦芬選拔與余及陳元睿孝廉爲尊經同舍生出必偕同學號之歲

寒三友

獨堪兀座學沈冥臨觴不飲情何已白日每速杯行

遲晚涼雨過風襲衣微波通榭秋澹澹疎柳拂檻陰離離

清時且幸好爲樂去日苦多還後期頗憶文園病風雨期

告不閑空致語

陳子京孝廉馮夢華編修張子紱拔貢朱仲立大令俱以卧病未赴喬茂萱刑部李

杜生兄弟

事羈未至一時文酒故難常萬里索居更何許我自平生

林壑心塵纓一縛別山深請歌蘭菊清商曲指作題襟漢

上吟

張元奇字珍午號君常福建侯官人光緒丙戌翰林現  
官奉天民政使有知稼軒初稿

澹菴因石遺不願內調寄詩請爲說法次韻奉和並  
示石遺

今人愛誦石遺詩詩筆縱橫近益奇一世才名空偃蹇百  
家學說待論思林花已悟飄茵旨劍氣甯忘出匣時衡岳  
至今留芋火爲君重叩嬾殘師

石遺詩老約來遊不果以詩至次韻答之

雄傑湖山古大州登樓一眺釋千憂江湖夜靜時聞些庭  
草秋深不繫囚見說嘉賓猶入幕可因安道竟回舟壯懷  
隨處須馳放莫使金羈絡馬頭

題何潤甫前輩乃瑩草堂情話圖

鴻翩已干霄泥爪迹如故舊夢問東風草綠今幾度斗城  
矗三峰亭閣互吞吐花石平泉春鹽絮謝家句屏山高峩  
峩影響記相赴樂事敘一堂燕喜得真趣喬公昔渡淮旄  
節此躔駐能知雛鳳清迷空馬羣願兩世掌珠恩得堦慰  
孤露握手卜飛騰相期在皇路君今念往事寫照極潤  
泝寒簾各雙影光景撫庭樹又聞通籍年走酌桐城墓人  
生重知遇萬感奔豪素華族近賣婚崔盧爭攀附遙遙海  
陵城披圖寄餘慕

大風夜泊岳陽樓下

妻孥留滯漢江隈獨自登舟謁府來衆水交流人事急下  
弦無月雁聲哀見燈知與州城近擁被閒將世局猜薄宦  
未消湖海氣更何懷抱不能開



留別老牆根舊宅

生世如短檠特留牆角迹去住亦偶然胡爲意不憚城西  
類野處地濶無巷陌花市接街頭山翠當門額五更過駝  
羣鈴響連數百任嘲墟墓鄰勝傍王侯宅庭中故多樹藤  
花尤奕奕只慙灌溉疎生枯不自惜天復欲徙之沅湘縱  
倦翮明朝彰德府遂日信陽驛洞庭八百里盪胸豈云窄  
持此畀良友中有吾詩魄

穉惺將入都  
仍居此屋

次韻和稚惺憂旱並寄徵宇

民膏已竭天不憐慘慘羣治猶哀煎香稻翻波蕩大澤槁  
苗燒日成飛煙滇湘賴浙災互見坐使荆杞生良田修政  
字甿事不講災生由人非由天近畿水利失肥挾徒仰膏  
雨能無偏萬家流脂干斛白恨不我生遠歲前此邦穰蓂

富產米居宮無狀逢凶年朝中萬事有伯始臺省稍稍能  
繩愆吾家西銘誰善讀堂陞久痛民顛連饑來但索長安  
米侏儒方朔無愚賢自儕游手語近激徵字先和有稽儒  
腐官兼游手今我  
况已叢  
三愆句千憂詎不易一饘夜闌舉頭看北斗下有良史忘  
餐眠救荒吾方苦無策願天雨穀山成錢

次韻和吳子修學使贈別

屈子亭前謫恨銷單于塞外去程遙勿驚斷梗飄遼瀋自  
把孤枝敵魏姚肝膽重傾思贈石公以林吉人所  
刻石章相贈羽毛已

鍛嬲栖苔開門夜半看星斗萬斛邊風欲動搖

冥心直合飲無何曼衍千場閱已多尙有故人憐舊雨且  
容老守卧滄波偶攘世上支離臂學唱尊前勅勒歌騰笑  
不堪謝蘭杜幾回掩袂過山阿

老嶺觀日俄戰處

老嶺廻環路十盤上捫碧落下深湍道人莫話開山事戰壘如雲駐馬看

北夫餘永樂太王墓碑

有引

碑在輯安縣東五里石方形下豐上銳高二丈七寸文凡二千餘言用隸書周刻四面多叙征服百殘新羅戰績蓋東晉時代物也

行邊日日窮幽探追搽山北踰山南賓僚好事並騎出羣山疊翠江拖藍城東一碑插霄漢年代事實誰能談解鞍親爲剔苔蘚辨別句畫吾猶堪鄒牟開基著聖蹟傳世十七無媿妣永樂奮戈闢境土城郭禍亂親平撤四鄰賓貢忽晏駕山陵鐫石留巉巖上書功德並年月下逮鹵獲女



與男百殘新羅互叛服步騎所向森鋌鏃中有一戰涉倭  
患東瀛古史資旁參國煙看煙定韓語約略戶版同邾邾  
平穰鴨盧猶足考平壤作平穰鴨綠作鴨盧近世紀述何其隤山麓傳  
有將軍墓古寢大隧深潭潭以碑證墓當合一地勢連及  
如靳驂八分變楷入晉派惜問名字徒疑含石高兩文字  
兩寸四周鐫刻今猶慘歷年千百脫劫火墨花斑駁生秋  
嵐陋邦莫道無可語韓陵獲覩吾心甘願假璫椎卧其下  
飽讀三日欹朝蓂

哭葉十一侍御

人間所得亦毫芒一暝知難與世忘病榻馳書憂許事寢  
門爲位哭他鄉韋弦舍子將安佩形影從今只自傷四十  
九年窮不死用蘇韻老來誰與說行藏

劉光第字裴村四川富順人光緒丙戌進士官刑部主  
事有介白堂詩集

感懷

肯信村廬有是非年來閱世學忘機枕中車轂難妨夢畫  
裏江船且當歸北地有人耕陸海西山終古送斜暉驚心  
寒雁程三萬似避刀弦併力飛

遊翠微山

半日到西山入山苦不深瓊宮映丹壑白塔出青林微雲  
墮馬前照我萬古襟虎峯帶霞色龍池轉松陰暗泉穿寺  
來如聽篴中琴香界木蘭花高檐宿仙禽珠洞漆僧體榦  
風吹梵音登高望天涯海氣生微吟 皇州忽如畫白日  
西峯沈空崖秘天魔題詩滿朝簪欣覩近臣筆在山鳥不

暗崖壁有翁尚書同龢題寶竹坡詩後五律  
一首中有云直諫吾終敬長貧爾豈愁  
鐘清世抱散

樹古時憂侵盧溝架長虹令人想遼金山靈對我喜相看  
兩崎嶇多謝西城月山中解相尋

雜詩三十首  
錄六

登高望蒙古言陟五臺山北風徒能勁立於冰雪間維昔  
蕩中國飲馬長江邊北失鄂羅雄東誤蘇奴孱出入五百  
年勢積以鈍頑弱人自亦弱道豈如循環幃房豈不親隱  
貽屏蔽患譬彼黃耆人衣敝背已寒頽陽淡淡下方悲  
外藩

天上生琪樹託根極高寒玉色光可鑑奇香吹若蘭招搖  
絳宮裏旖旎瑤臺端上枝抱神龍下枝棲鳳鸞中枝挂日  
月嬉戲擲兩丸排雲奏竽籟華葉鏘琅玕音聲一何美天



聽生清歡裁爲六合柱神工不肯觀罡風忽吹折王母獨  
心酸

孔雀冲天飛雲日散光采一朝飢無肉不凍長呼餒樊籠  
一以羈啄腐甘自給食蛇知有毒尙負奇毛在文章止悅  
人品弗登鼎鼎驚華果何心落實稍見悔所以威鳳翔九  
苞度雲海

漫漫香雪海梅花千萬枝天上春獨早亦山正逢時何來  
蠟梅花託根暗相移弄妍雲霞地拔迹水石湄玉女燦明  
月近玩天人姿王母閃電眸一笑雜真癡神仙煙霧中豈  
容俗物窺非種忽鋤去園客惜其私

姐已傾有商賈矧滅宗周天意信遐邈女禍亦因由慨當  
伐國日獻此美無倚山川享精氣民物含怨愁併洩於一

身鍾物豈非方寸之禍水得溺及九州顛倒怒笑間恩  
愛藏仇讐下物氣相制弱肉與強謀誰謂傷人心十世禍  
未休片時哀萬族念之淚交流

道逢行乞人自言舊湘軍衣服罄且盡皮肉還垢皴一從  
勦粵賊立功救生民轉戰徧南北猛氣衝風雲堂堂錫勇  
號歸仍餓其身諒山復間警應募走兼旬資裝雖無多親  
友意已勤孰知功不酬志欲清鬼氛且圖飽戰飯捐命答  
吾君况聞鬼馬死鬼妾號長裙正可感南服和議成逡巡  
故鄉不得歸又不死沙塵含血空嘆天忠憤何由伸且勿  
歎忠憤乞錢周爾貧

陳三立字伯嚴江西義甯人光緒丙戌進士官吏部主

事有散原精舍詩

鄭孝胥云伯嚴之作至辛丑以後尤有不可一世之概源雖出於魯

直而莽蒼排奭之意態卓然大家未可列之江西社裏也

### 曉抵九江作

藏舟夜半負之去搖兀江湖便可憐合眼風濤移枕上撫  
膺家國逼鎧前鼙聲鄰榻添雷吼曙色孤篷漏日妍咫尺  
琵琶亭畔客起看啼雁萬峰顛

日本嘉納治五郎以考察中國學務來江南既宴集  
陸師學堂感而有贈

國家喪敗餘頗復議新政仍遵今皇謨嘯嘯誦甲令四海  
學校昌教育在釐正所恨益紛龐末由基大命去聖日久  
遠終古一陷甯禮樂壞不修侈口噉孔孟譬彼涉汪洋航



筏失導迎盲僮拊駒犢曠莽欲何騁陶鑄堯舜誰多算有  
借鏡東瀛脣齒邦泱泱大風盛亦欲煦濡我挾以禦物競  
羣士忽奔湊有若細流迸觥觥嘉納君人倫煥斗炳創設  
師範章捷速日還併歸置游釣地瞬息變謳詠起死海外  
方撫汝支那病頃者邇來游蓄念摯且勁蹤迹北而南王  
公徧造請聯袂金陵城須眉柳月暎雍容貌儒者頓使增  
歎敬朋侶二三輩冠服盡明靚晶天蟲鳥絕酒坐龍虎橫  
劍佩冷無聲深堂步寥夔厯觀我黌舍根柢析究竟瞠目  
不能答頭汗羞瞽瞍君旣洞癥結反擬施括繫色下語益  
純孰云雜嘲評余乃執爵興種禍豈能更誘掖振厲之先  
覺順其性大同無町畦天人互相慶欬歔立歧路仰視纖  
雲淨持此謝嘉賓且以證後聖

贈別吳炯齋學使去江西還 朝二首

故國蘭叢秀可扶，得君滋溉掃榛蕪。  
三年擁傳風光曉，九變尋源寐寤孤。  
會有大雲起膚寸，滿聞餘響散江湖。  
殘陽爲寫蒼茫意，延頸迴眸一歎吁。

侯官弟子眼中人

謂熊君元鏐

囊括羣流嚮道真，自挈驪珠映

滄海，勞看鵬背亘天津。  
菁莪養士寧無謂，縫掖匡時恐未倫。  
早晚鳴鸞移仗罷，可忘章貢水如鱗。

喜實甫罷官至

隔年再面剎那頂，萬里一官歸去來。  
能外死生偕醜妾，稍憐簿領試邊才。  
君別有龍州雜俎三卷 解人畢竟數黃祖，名士猶堪始郭隗。  
藹藹江南歌舞地，笑攜蠻石對深杯。

孫師鄭吏部由京師寄所刊文集并附詩三章見贈

次韻卻寄

誰信風波有戮民，流涎齧蠶唾承塵。  
乍驚燦爛搖窗冊，恍接平生送酒人。  
獻賦淵雲驚省重，賡吟岑杜鳳池春。  
海濤捲盡旌旗影，電火燒天眩一鱗。

潜郎餘事喜稱詩，獨覲微茫狎險巇。  
莽莽百家舉杯盡，堂堂萬古入鐙悲。  
祇今城闕迷胡服，賸託瑤華詠楚辭。  
猶盼安危券帷幄，委蛇退食佩聲遲。

縛書爲枕烏呼闔，舉世流傳老子頑。  
萬里何期同寤寐，一椽聊自傍湖山。  
低昂國論憑張目，前後人羣且破顏。  
日把高文照雲物，帝城回首舊鷗班。

聞熊秉三太史抵滬將爲日本之遊，占此寄之。

憂患死生同一擲，微聞騰刷脫鞵鞅。  
熊羆猛氣故常在，蛟



鰐腥波相與長嚼血噴天成滲澹蓄眸觀世費評量江南  
老我齏鹽裏東望求仙涕數行

文芸閣學士同年挽詞六首

病起看雲過書來對淚垂

八月廿八日得王木齋書報君噩耗

車船初躍去

骨相亦奚爲士有摧傷死天餘慘澹窺還家渾是客海色

引孤兒

君之子公達方羈上海

握槩隨鄉隊鳴鞭蹴國門狂言人盡避大嚼日相存江海  
空能返魚龍不可捫當時矜爪觜兩兩倒歌尊

果慶得人盛聲名爲帝知張華陪禁近陸贄職論思感

激維危局蒼黃斬亂絲獨憐顏咫尺憑血摘奸欺

元禮終亡命邠卿辱大儒孰傳鐘室語幾索酒家胡禍水

機先伏煙濤夢自孤光芒接三島

君曾游日本

留得口中珠

流略久湮淪羣喧妒道真校文向敏後隨筆孔洪邠雙樹  
從微喻孤篷更暫親枕中宗教記搜證恐無論今歲四月與君由南

呂同舟抵金陵得閱所著雜記  
中有述宗教數卷可謂奇作

陳亮劉仲錡恨俱逝汝亦蛻江山鄉國數羣彥鐫塵懸舊顏

仰天成嘆喏託世化戎蠻衰族吾安適含悽祇閉關

九日從抱冰宮保至洪山寶通寺餞送梁節厂兵備  
嘯歌亭館登臨地今日都成隔世尋半壑松篁藏梵籟十  
年心迹照秋陰飄髯自冷山川氣傷足甯爲卻曲吟作健  
逢辰領元老下窺城郭萬鴉沉

杯酒初深搖落悲孤標離色見須眉平生所學終能信功  
罪旁人未許窺會起卧龍襄水曲更宜騎馬習家池采薇  
早晚亦歸去相憶白雲無盡時

贈羅順循

文儒健吏眼中無見子翻傷氣類孤  
光怪發硯彈指過伶俜吞淚到腸枯  
羨魚結網容能及將鰈增巢坐失圖  
絮語埃塵雲物改幾時歸老注陰符

過天津戲贈吳癭公

酸儒不值一文錢來訪癭公漲海邊  
執袂擎杯無雜語喜心和淚說彭媽

彭媽不獨憐才耳誰識彭媽萬劫心  
吾友堂堂終付汝彌天四海爲沈吟

壽左子異宗丞五十

湘陰太傅扶天手遺烈轟轟動帝闈  
有子起家仍患難雄姿妙略見根原  
破荒日月光初大獨立精神世所尊  
欲



倒滄瀛滴卮酒看持元璧照脩門

憶昔湖湘萬喙張端煩膺力固苞桑卽今薄海防驚犬誰

念前規有餽羊劍氣星辰終自近菜根場圃定難忘

牛淵中舊

宅有圃名菜根香

豎儒那數輩平業祇驗旂旂塞草長

### 送別劉幼雲之官陝西提學使

皇運邁邇屯丕變競興學四方被聲教繡衣出參錯坐圖

昧根據

廷謀脫羈縛東鄰絃歌盛望洋指先覺夏糧遣

就之翕合飽諮度虛往而實歸羣公亦垂橐劉侯駕騰姿

影海聳片鶚爰整關中駕過憩潯陽郭鄉井有斯人夙心

契冥漠把袂奮談舌鎗搖涕欲落覘國以自鏡頑珉待剖

琢魯鄒道經天萬治護其躍功成迹象外此事基澹泊秦

風未湮墜巖藪富蘊璞刮磨發光精九洲可照燭沈沈龍

養淵浩浩魚縱壑因時爲隆污闔闢在管籥恢疏慎所持  
族命固有託飄髣廬峯旁積疴寫一酌

秉三過話園亭

髣底滄瀛十萬程腰間雄劍再三鳴顏雲莽莽歸何處倦  
鳥依依識此情舉足極知成左右刳肝休更說生平羈囹  
鶴柵分明在微笑同聽鬻葉聲

日暉港織呢新廠訪太夷

蛻官而學賈嘖嘖此書生墀地開新砌神霄麗傑費海雲  
邪許外胡服陸離迎鷺發同張季憑嗤末富輕

節厂五十生日詩

二十養髭髯三十狎崖壑四十前後間名業出處錯迄今  
倏五十萬仞留一鷗子初漑詩書根柢匪脆弱通籍慕汲

范正色試鋒鏑果鑠青雲翅江海照腰輝仰天吐舌罵涼  
喉在寥廓浸尋世難亟隱痛宣木鐸菁莪飽涵濡暨責擅  
楚鄂大臣人事君顏亦見拔擢挺出治亂絲吏政加纏縛  
秋隼不忘擊豎儒館鼎鑊富道問豺狼抗疏又屢作極知  
無所補聊以慰冥寞成就拂衣去偕隱幸踐諾江之水悠  
悠匡山富靈藥平生互期許寢念倘有託吾言不予欺對  
荷醅可酌

紀哀答鍾丞見寄時將還西山墓廬

兩宮隔夕棄臣民地變天荒紀戊申萬古奔騰成創局五  
洲震動欲歸仁月中猶暖山河影劍底難爲使傷身煩念  
九原孤憤在忍看宿草碧燐新



裴景福字伯謙安徽霍邱人光緒丙戌進士官廣東南

海縣知縣

獲請諡戊戌新疆實非其罪有西征集一卷

言路訟寃得釋君收藏金石甚富攷證西北地理尤詳今之徐星伯也

### 嫁婦詞

遠嫁單于駝背裝琵琶聲出玉關涼已成棄婦車前水又  
學新姬厨下湯螺黛強拈眉黛間羅衫重理淚痕長入門  
欲稱姑嫜意炊米牽蘿費校量

### 夜渡瀟陵

虎氣縱橫滿碧山藍田新月半弓彎自從犯夜將軍去醉  
肘三更不閉關

### 過黑水沙漠至撫彝城

卅六國中親往還荒唐舊說一時刪流沙穴地真成海弱

水滔天欲撼山西去關烏頭盡白東來宛馬汗皆殷倦游  
小睡崑崙頂應被羣仙笑我頑

出嘉峪關

長城高與白雲齊一躡危樓萬牒低鎖鑰九邊聯接北人  
泥四郡劃安西雪中苜蓿綠應齊天上桃花紅馬蹏飛將  
神兵紛出塞聖恩可許到伊犁

改戊  
伊犁

聞言路爲予白冤交粵督查覆恭賦

臥箔春蠶困繭絲伏轡老馬畏驅馳棄捐團扇秋風後熨  
貼寒衣夜雪時萬死何期邀帝鑒一生差幸有天知飄  
零老大渾無用悵望中原一淚垂

馬九和字伯弓山西翼城人光緒丙戌進士有葦村吟

草一卷

與路訪巖前輩朝霖爲文字至契前輩推許其詩可與義山遺山並傳

秋風樓次賀展如大令韻

豈有真人降水隈樓船簫鼓宛徘徊凌雲我亦欽詞筆飛  
雁猶能感客懷仙蹟翻臨黃帝冢邊功肯讓李陵臺故宮  
神雀皆靈異擬過通天奠酒杯

首陽二賢感賦

食肉從教闕馬肝漫憑清議重巖巒苦將薇蕨留殷鼎已  
見風雲起渭竿積善那無在山恨易心終覺飲泉難長河  
太華還祠墓竹柏陰森耐歲寒

次韻奉和路訪巖觀察遊曾祠

黃河搖溶下橫漢重樓跨空矗紅貫仰止何人企衡湘身



騎箕尾星霜換昔掃攬槍靖邊隅綱象原有垂天珠麟閣  
勳高漢家史免園輝映梁王都樓榭參差際天水依稀提  
得滕王紙祇言節鉞有遷移祠爲河督奉新許公建始所  
建時奉命巡撫粵東省  
那信亭臺隨棄委往歲烽火照帝闈憐才甯當論以齒  
當代老成孰韓范剪除豺虎如驅磨吁嗟乎百年易盡灰  
中炭曲突何曾救焦爛念公徒爲梁父吟幾人解信廣武  
歎

和言謇博大令韵

守拙慙長袖安閒滌俗襟雖非灌園士抱齋一生心  
陶公會乞食飲酒見胸襟一首荆軻詠方知烈士心  
仗劍依知己悠然愜素襟自慙信陵客虛負報恩心

曾廣鈞字重伯湖南湘鄉人光緒己丑翰林由編脩保

送知府有環天室詩集五卷詩後集一卷

文正公之孫王闓

運云重伯聖童多材多藝交游三十餘年但以爲天

才絕倫非關學也今觀詩集蘊醴六朝三唐兼博采

典籍如蠡醴蜜非沈浸精專者不能異哉其學養之

深乎湖外千餘年惟鄧彌之得成一家重伯與騷而

博大過之名世無疑重伯官翰林逾十年以郡

守乞外浮湛桂林鬱鬱不得補一官旋棄職還山

督隊抵雙台子是日見湘豫潰兵四五萬人焚劫爲

食余策馬彈壓諸軍始能收隊

夷甫諸人蕩名教兒戲干戈閔朝廟一戰再戰風吹灰湘

軍豫軍火逢豹我軍非狂肯東走痛恨餘軍但西跳路旁

量蕉萬蟻僵頭上飛丸餓鴟叫婦人負色組垂頸孺子何

罪血殷竅見此令人悲戰場不教而誅豈天道將軍不守

愛民歌何堪謬應勤王詔橫刀怒搯倒潮兵且免流波

洗燕趙

座主潘文勤公輓詞

南斗臨吳會司空近 帝臺相門遺笏在夫子抱經來星

隕蒼龍墜亭虛白鳳哀感恩伸紙墨留恨滿尊罍

四十日前事猶親宿德尊共垂鍾阜淚

叔祖忠襄公薨公來弔哭良久兼

悼楚江魂

鈞抱喪妻之痛公亦來唁慰

冬日暄難駐秋陽道尙存買絲

如可繡滂喜卽平原

驅車淮海道慘淡入邦畿燕憶華堂是鶴言人事非降

千載促絕學一朝稀盡以西州淚來霑漢石衣

國有大臣禮哀容動 內廷本官輝少海贈秩傳前星題

湊頒經被丹青枉畫屏東園諸秘器好築鄭公塋

上頌

醕親王

庚寅七月



岐山秀氣降銀池錫我賢王天縱姿齒胃虎闡年最少  
飛文能軼筆尤奇弱齡已荷麒麟賜雅志相期鴻鵠知四  
十年來忠孝譽至今無改舊風儀

憶昔霓旌巡紫塞撫軍扈從訪崆峒君恩豈以華枝

貴臣節宜封雍樹功玉敦竟消滄海祲金湯指泰山隆

東南當日猶酣戰掃蕩驅除想大風威同王謨所及羣盜千里

周家分陝尊燕魯今日親賢屬一人好取玉梅亭畔月

遍爲赤柳塞邊春雖麟官禮功無迹鳳鳥河圖治已神仰

贊慈猷宣聖德歌鐘史牒播芳塵

王者行師若時雨至仁無敵況同仇宣光一戰何其壯夷

甫諸人不足謀露布曉傳鄧海捷電絲夜奏諒山收終令

索虜憂天討干羽通誠事可侔越南一役王堅持戰議兩粵遂奏奇捷

已治安時不忘備猶清和節卽巡邊

王以丙戊四  
月巡閱北洋

鹿狼

雞塞論兵地龍馬龜文犒士錢明月寶刀光照海絳雲長

旆勢橫天戈船簫鼓人千里灑翰琳瑯壓錦韞

王出都不  
過月餘已

成航海吟草五十餘首在

大沽進見承  
賜一通

東都婦孺思顏色南國冠裳盼節徽七省天高傳電早萬

流海靜待輪飛江淮何日紆旌旆鎬洛當年有袞衣互市

諸酋同引領不驕胡馬塞花肥

王本意以丁亥年巡閱  
南洋因改訂丁亥年巡閱

折躬禮士求伊傅拜手颺謨邁稷臬黃屋恩辭彩杏赤

刀新命佩金桃

懿旨賞杏黃轎  
辭賞金桃刀敬佩

禁營武備身親慣海

署文書擘畫勞坐嘯節樓清八表高秋風雨起龍韜

邸第園林日月邊海牆西路築平泉酒籌藥裏清閒福香

椀詩囊自在禪風定細花粘井幹日斜高柳過鞦韆似師



傲吏藏舟意海粟山房石作船

王飭本府三等蝦額穆爾博赫者導遊海粟王照

亭諸勝地風景似江蘇八旗會館有一石船又似兩江督署

湘州下士百無似疇昔縱橫覽霸書一觀天人深自幸

承王賞給多珍並

憲皇帝聖訓 欲從車騎願徒虛

初擬散館若得部曹即求王賞派

神機營

或海軍差 即今丹地容鳴珮猶羨

蘭錡可曳裾

自幼練習弓馬

鎗礮測量常思身臨前敵

異日朝廷求將種甘拋鉛槧擁犀渠

過江甯督署感晉陽君舊妝樓

題印心書屋壁

平吳事業壘簾逝入洛春光佩黻齊戟署已消龍虎氣妝樓舊是鳳皇棲壞牆憶遠詩篇在苔石燒香履跡迷十四年來逢穀日不忘分手小軒西

江月初低碧漢沈綠錢春鎖畫堂深依微燈影搖悲角蕭瑟風絃動玉琴望遠樓臺初見雁繞行庭樹猛驚禽清溪



YORK UNIVERSITY

MAY 15 2001

EAST ASIAN STUDIES

夜夜流嗚咽未抵人間長恨心

贈俞恪士以刑部主事改知縣之天津

長公一仕曾爲贅陶令於官不及腰誰似星郎厭機近有  
如若士謝雲霄分精攻距師長技同薦車書待 本朝且  
擬益君燕趙氣更窺丞相颯風飈

國身通一春秋愔孔思周情世孰知不見肩吾與連叔略  
從擁腫得支離文非喻道難爲妙悟以當仁不讓師七聖  
九皇無限恨入絃宇定失嬰兒

比來俱醒東華夢君自乘雲我息機路上行人憐把袂海  
牆飛絮共沾衣周郎陸弟何年貴元度眞長眼底稀行矣  
蓬池出寥廓不排雲背莫輕飛





